

**Oqaluuserisassanut nassuiaat.**

(Inatsisartut Siulittaasuut)

Siunnersuuteqartup oqaluuserisassani imm. 18. tunuartippaa: Aalisariutit 19,99 BRT / 31,99 BT-imit anginerusut aalajangiiffigisassatut siunnersuutip tungavilersuutaani ilanngussamilu ilitsersuutigineqartut naapertorlugit aalisarsinnaaffii killeqarfilerneqarsinnaanersut - aningaasaqarnikkut kinguneqaatissat ilanngullugit -Naalackersuisut UKA2015-imi saqqummiunneqartussamik misissueqqullugit peqquneqarnissaannik Inatsisartut aalajangiiffigisassaattut siunnersuut. (Inatsisartunut ilaasortaq Nikolaj Jeremiassen, Siumut) Immikkoortoq ulloq 5. maj siullermeerneqariarluni ulloq 27. maj aappassaaneerneqartussaagaluarpoq.

Immikkoortoq 19-ip aappassaaneerneqarnissaa ulloq 28. majimiit ulloq 26. majimut siuartinneqarpoq.

Immikkortoq 19: Raajanut qaleralinnullu licensit killeqanngitsumik piffissalerlugit pigineqartarnerisa Aalisarneq pillugu inatsisartut inatsisaat nr. 18, 31. oktober 1996-imeersoq-mi § 14 atorlugu, ukiunik tallimanik sioqutsisumik ilimasaaruteqarnikkut killilerneqartalersinnaanerat aningaasaqarnikkullu kinguneqaatissat ilanngullugit - Naalackersuisut UKA2015-imi saqqummiussassamik misissueqqullugit peqquneqarnissaannik Inatsisartut aalajangiiffigisassaattut siunnersuut. (Inatsisartunut ilaasortaq Nikolaj Jeremiassen, Siumut)

Immikkoortoq 89-ip pingajussaaneerneqarnissaa ulloq 28. majimit ulloq 26. majimut nuunneqarpoq:

Immikkoortoq 89: Uunga siunnersuut: Aalisarneq pillugu Inatsisartut inatsisaata allanngortinnera pillugu Inatsisartut inatsisaat nr. xx, xx.xx 2015-imeersoq.

(Inuussutissarsiutigalugu aalisarsinnaanermut akuersissutit tunniunneqart-arnerat ingerlaannartarnerallu pillugit allannguutit)

(Aalisarnermut, Piniarnermut Nunalerinermullu Naalackersuisoq)